

Protocol no. 96
Sezzüda da lündeschdi, 11 avrigl 2011, 20.00 – 22.40

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)
Mario Pult da la Lia Rumantscha (tractanda 823)

823 3 **CULTURA E TEMP LIBER**
Adöver dal rumantsch in cumün

Sar Mario Pult orientescha al Cussagl cumünal sur d'ün proget da la Lia Rumantscha cul nom „Multiplicatuors i'ls cumüns“. Quist proget dess svagliar la conscienza da douvrar il rumantsch a bocca ed in scrit. Ils cumüns gnaran in avegnir cunfruntats cul proget.

Protocol

Il protocol no. 95 dals 4 avrigl 2011 vain approvà.

824 942.423.05 **Fits per terrains cumünals**
Fittanza parcella cumünala a Zoppanaina

Il Cussagl cumünal piglia incunter las dumondas entradas sülla publicaziun per tour a fit dal cumün üna parcella a Zoppanaina.

Il Cussagl cumünal decida, in assenza dal schef da god e paura causa interessenza privata, da dar a fit la parcella manzunada aint il titul a Madlaina ed a Ludwig Noggler.

825 810.318.02 **Spaisas per tagls**
Tagl in Sinestra

Il Cussagl cumünal decida, congualond las offertas entradas, da surdar il tagl da Sinestra a la firma Cla Duri Janett, Tschlin, tenor l'offerta dals 5 avrigl 2011.

826 810.318.03 **Spaisas da condotta**
Condotta da Iaina Uina Dadora / Ischla

Il Cussagl cumünal decida, congualond las offertas entradas, da surdar la lavur a la firma Paul Accola, Tavo, pel predschi da fr. 27.-- excl. IPV per m3.

827 790.581.03 **Plan da quartier Flüs**
Lavurs d'indschegner per la realisaziun

Il Cussagl cumünal decida da surdar, davo avair congualà las offertas, la lavur manzunda aint il titul al büro d'indschegner, Albert Mayer, Sent, pel predschi d'offerta da fr. 41'040.-- (incl. IPV).

828 790 PLANISAZIUN DAL TERRITORI
Gruppa da lavur PEB (2. abitaziuns)

Il schef da fabrica orientescha al Cussagl cumünal sur da variantas pussiblas elavuradas da la gruppa da lavur PEB pels cumüns pertocs illa regiun e repassa quellas amo üna jada.

829 300.365.50 Contribuziuns e donaziuns diversas
Betreute Ferien in Sent

Il Cussagl cumünal as decida per üna commembranza illa società per promover l'instituziun „Betreute Ferien in Sent“ da la famiglia Schnetzler e Piguet. L'import da la commembranza vain fixà sün fr. 200.-- l'on.

830 830 TURISSEM
Forum Alpenakademie Südbünden

Cusgliera Marianne Werro orientescha sur dal forum manzunà aint il titul chi ha gnü lö a Zernez als 6 avrigl 2011. I's ha pudü tadlar differents referats, tanter oter ün da sar Kurt Baumgartner dal Hotel Belvédère da Scuol.

L'actuar: